

২৫। হে ঈশ্বর, ইউরোপের ধর্মীয় স্বাধীনতার জন্য আমরা তোমার প্রতি কৃতজ্ঞতা জানাই। আমরা যারা এই স্বাধীনতা উপভোগ করছি তারা যেন কৃতজ্ঞ হই কিন্তু আমরা যেন আমাদের অত্যাচারিত ভাই এবং বোনদের কথা মনে রাখি যারা এই স্বাধীনতার অভিজ্ঞতা লাভ করতে পারছে না। (রোমীয় ১২:১৫)।

২৬। প্রভু, আমরা লাইবেরিয়ার সেই সমস্ত মহিলা এবং বালিকাদের জন্য প্রার্থনা করি যারা সেই সমস্ত অপরাধের জন্য কারারুদ্ধ আছে যে অপরাধ তারা করেনি। অনুগ্রহ করে তাদের মুক্ত করো। (গীত ১৪৬:৭)

২৭। ক্ষমার ঈশ্বর, ভারতের কারারুদ্ধ মহিলাদের পুনর্বাসনের জন্য আমরা তোমার কাছে প্রার্থনা করি। তারা যখন কারারুদ্ধ হওয়ার জন্য কলঙ্কের সম্মুখীন হয়েছে তখন কেবল তুমি তাদের আরোগ্য করতে এবং পুনরুদ্ধার করতে পারো। (গীত ৬৮:৬)

২৮। হে স্বর্গীয় পিতা, রোমানীয় রক্ অফ এজেস কারাগার পরিচর্যাটিকে আশীর্বাদ করো। যেহেতু সেখানে তোমার বাক্য সহভাগিতা করা হয়েছে সেহেতু, সেখানে অনেক কয়েদী ঈশ্বরের প্রতি ফিরতে পারে এবং স্বাধীন হতে পারে। (১ পিতর ৩:১৮-১৯)।

২৯। প্রিয় ঈশ্বর, সেই সমস্ত পরিচর্যাকারীদের উৎসাহ দাও এবং শক্তিশালী করো যারা জাপানের কারাবন্দীদের মধ্যে যীশুর সুসমাচার সহভাগিতা করছে। কয়েদীরা যেন তোমাকে বিশ্বাস করে এবং খ্রীষ্টে স্বাধীনতা খুঁজে পায়। (গালাতীয় ৫:১ক)

৩০। হে পিতা, যারা তোমার দাসদের অত্যাচার করছে তাদের ক্ষমা করতে আমাদের সাহায্য করো। "কিন্তু আমি তোমাদের বলছি, তোমরা তোমাদের শত্রুদের ভালোবাসো এবং যারা তোমাদের অত্যাচার করে, তোমরা তাদের জন্য প্রার্থনা করে" (মথি ৫:৪৪)।

বাংলাদেশের জন্য বিশেষ প্রার্থনা

১। বাংলাদেশে মহামারির কারণে বর্তমানে বেকারত্বের সংখ্যা অনেক বৃদ্ধি পাচ্ছে যার কারণে মানুষ প্রয়োজনের তাগিদে অনেক রকম অপকর্মে জড়িত হচ্ছে। প্রার্থনা করবেন যেন বাংলাদেশ এই বেকারত্বের অভিশাপ মুক্তি পায় এবং একটা উন্নত দেশে পরিণত হয়।

২। বাংলাদেশের সমস্ত স্তরের মানুষ যেন কর্ডিড-১৯ এর ভ্যাক্সিন পেতে পারে এর জন্য প্রার্থনা করবেন, এবং আগামনী শীতের প্রকটতা থেকে যেন দীনদরিদ্র মানুষগুলো রক্ষা পায় এর জন্য বিশেষ প্রার্থনা করবেন।

৩। বর্তমানের এই পরিস্থিতিকে যেন বাংলাদেশের সর্বস্তরের মানুষ বিশেষ করে মেয়েরা যেন সুযোগ হিসেবে ব্যবহার করে দেশও জাতির উন্নয়নের জন্য কাজ করতে পারে এর জন্য বিশেষ প্রার্থনা করবেন।

৪। বাংলাদেশের সর্বস্তরের মানুষ যেন সমাজে নারীদের স্থান নিশ্চিত করে এবং তাদের প্রাপ্য সম্মান দান করে, এবং নারীরা যেন ঈশ্বরের রাজ্য বিস্তারের জন্য অবদান রাখতে পারে এর জন্য বিশেষ প্রার্থনা করবেন।

৫। যে সমস্ত বিশ্বাসীগন বিভিন্ন ভাবে অত্যাচারিত হচ্ছে ঈশ্বর যেন তাদের ঢাল হয়ে সমস্ত বিপদ থেকে রক্ষা করেন এবং তাদের মধ্য দিয়ে বাংলাদেশে যেন ঈশ্বরের রাজ্য বৃদ্ধি পায় এর জন্য প্রার্থনা করবেন।

৬। বাংলাদেশের সরকার এবং যারা বাংলাদেশের সাংগঠনিক দায়িত্বে রয়েছেন তারা যেন দেশ ও দেশের জন্য সৎভাবে কাজ করতে এর জন্য বিশেষ প্রার্থনা করবেন।



Women of Hope Prayer Calendar

২। প্রতি মাসে প্রকাশিত 'প্রত্যাশাময়ী নারী' নামক প্রার্থনা পঞ্জিকাটি ১০০টি ভাসায় অনুবাদিত হচ্ছে এবং ৬৫০০০ এরও বেশি মানুষ এক সঙ্গে প্রার্থনা করছে।



2021. 11.

অত্যাচার এবং কয়েদীদের জন্য প্রার্থনার অনুরোধসমূহ

এই মাসে আমরা তাদের জন্য প্রার্থনা করবো যারা তাদের বিশ্বাসের জন্য নির্যাতিত এবং কারাবন্দী। ঈশ্বর আমাদের বিশেষ দায়িত্ব দিয়েছেন যেন আমরা তাদের জন্য প্রার্থনা করি। এই পৃথিবীতে এমন কোন ব্যক্তি নেই যাকে ঈশ্বর পরিবর্তন করতে পারেন না। আসুন আমরা একসাথে প্রার্থনা করি যেন তারা এমন একটি স্বাধীনতা অনুভব করে যা বিশ্ব বুঝতে পারে না এবং শান্তি অনুভব করে যা বিশ্ব দিতে পারে না। "তিনি উপদ্রুতদের পক্ষে ন্যায়বিচার করেন" (গীতসংহিতা ১৪৭ : ৭)

후원안내

국민은행 851-01-0003-724 북방선교방송

최초 입금 후 사무실로 연락주시기 바랍니다.

TWR Korea 북방선교방송

서울특별시 관악구 양녕로 15, 월드빌딩 6층
전화 (02)886-5671 / 이메일 phkorea@twrk.or.kr

আন্তরিক ভাবে প্রার্থনা করছি।

১। স্বর্গীয় পিতা, আমরা তোমার কাছে যাপ্রণ করি যে তুমি হংকংয়ে কারারুদ্ধ প্রচারকদের সঙ্গে থাকো। বিপদের মোকাবিলা করার জন্য তুমি তাদের সহিষ্ণুতা এবং সাহসের জন্য শক্তি দাও। তোমার উপর আস্থা রাখতে তাদের সাহায্য করো এবং তারা যেন তাদের বিশ্বাস ত্যাগ না করে। (প্রকাশিত বাক্য ১২:১১)

২। প্রভু, সুইডেনের বিদ্যালয়ের খ্রীষ্টান শিক্ষার্থীদের শক্তি দাও কারণ তাদের শতকরা ৫০ ভাগ শিক্ষার্থীদের ধর্মীয় বিশ্বাসের জন্য ঠাট্টা তামাশার শিকার হতে হয়। শিক্ষকগণ যেন শিক্ষার্থীদের সঙ্গে ন্যায়পূর্ণ ব্যবহার করে যাতে বিদ্যালয়গুলি যেন শিক্ষা গ্রহণের জন্য নিরাপদ স্থান হতে পারে। (মথি ৫:১০)

৩। পিতা, ইন্দোনেশিয়ার কিছু এলাকাগুলিতে, খ্রীষ্টানরা অত্যাচারিত হয় এবং তারা মণ্ডলীতে একত্রিত হতে পারে না। তোমার শক্তিতে সেখানকার খ্রীষ্ট বিশ্বাসীরা যেন বিশ্বাসে দৃঢ়রূপে দাঁড়াতে পারে। (গালাতীয় ৫:১)

৪। পিতা, ডেনমার্কের খ্রীষ্ট বিশ্বাসীদের ঈশ্বরের বাক্য দৃঢ়রূপে ধরে থাকতে সাহায্য করো যখন সেখানকার জনগণের মতামতের থেকে তাদের বাইবেল সংক্রান্ত বিশ্বাস ভিন্ন এবং যখন অনেকে তাদের বিশ্বাসকে চরমপন্থী বলে মনে করে। (প্রেরিত ২:৪২)

৫। হে ঈশ্বর, উরুগুয়ের খ্রীষ্টীয় দলগুলির জন্য তোমাকে ধন্যবাদ দিই কারণ তারা কারাগারগুলিতে বাইবেল পাঠ করে এবং সেখানকার বাসিন্দাদের সঙ্গে গান করে। কয়েদীদের মনগুলোকে খুলে দাও যাতে তারা তোমার বাক্য বুঝতে পারে এবং তোমার উপর আস্থা রাখে। (লুক ২৪:৪৫)

৬। প্রভু, আমরা নেপালের সেই সমস্ত ব্যক্তিদের জন্য প্রার্থনা করি যারা খ্রীষ্টে তাদের বিশ্বাসের জন্য তাদের পরিবারগুলির দ্বারা অত্যাচারিত হচ্ছে। অনুগ্রহ করে সেই সমস্ত চার্চগুলিকে এবং তাদের সদস্যদের সুরক্ষিত করো যাদের উপর করোনা ভাইরাস ছড়ানোর বিষয়ে দোষারোপ করা হচ্ছে। (মথি ১০:২২)

৭। হে প্রভু, আমরা জার্মানীর শরণার্থীদের জন্য প্রার্থনা করি, যাদের মধ্যে অনেকেই কঠিন পরিস্থিতির মধ্যে বাস করছে। তারা যেন জার্মান সমাজে সমান নাগরিক হিসাবে গৃহীত হয় এবং জার্মান খ্রীষ্টীয় সমাজের সুরক্ষা এবং সাহায্য লাভ করে। (লেবীয় ১৯:৩৪)

৮। ঈশ্বর, বর্তমানে ভিয়েতনামে অসংখ্য ক্ষুধার্ত এবং অভাবী লোক আছে। তাদের সাহায্য করার জন্য তোমার লোকদের অন্তরে কথা বলো। (মথি ২৫:৩৫)

৯। ইউরোপের মধ্যে পর্তুগালে সব থেকে অধিক শতাংশ মহিলারা কারারুদ্ধ আছে। প্রভু, কারাগার পরিচর্যাগুলির মাধ্যমে সেই মহিলারা যেন যীশুকে জানতে পারে এবং আশাময়ী নারী অনুষ্ঠানগুলির সঙ্গে যুক্ত হতে পারে। (২ করি ৩:১৭)

১০। প্রভু, লাইবেরিয়ার মহিলাদের এবং বালিকাদের সুরক্ষিত করো। একজন মহিলার স্বামী যখন মারা যায়, তখন তাকে বলপূর্বক তার স্বামীর ভাইকে বিয়ে করতে বাধ্য করা হয়। অন্যথা, তাকে খালি হাতে পাঠিয়ে দেওয়া হয়। (যাকোব ১:২৭)

১১। পিতা, সার্বিয়ার সুসমাচার প্রচারকারী খ্রীষ্ট বিশ্বাসীদের শক্তিশালী করো যারা সেখানকার প্রচলিত মণ্ডলীগুলির দ্বারা উপহাসিত হয়। তোমার দক্ষিণ হস্ত দিয়ে তাদের তুলে ধরো, তাদের যন্ত্রণায় সান্ত্বনা দাও এবং তোমার মণ্ডলীর মধ্যে ঐক্য আনো। (যিশাইয় ৪১:১০)

১২। পিতা, ফিলিপাইনের কারাগারের বাসিন্দারা যেন কারাগারের চ্যাপেলের উপাসনার মাধ্যমে তোমার মহান ভালোবাসার অভিজ্ঞতা লাভ করতে পারে এবং তোমাকে তাদের ব্যক্তিগত ত্রাণকর্তা এবং প্রভু বলে জানতে পারে। এছাড়াও আমরা তাদের নিরাপত্তা এবং সুরক্ষার জন্য প্রার্থনা করি কারণ কারাগারগুলিতে অল্প জায়গার মধ্যে অসংখ্য কয়েদীরা একসঙ্গে থাকে। (রোমীয় ৮:১)

১৩। পিতা, আমরা ভারতের আদিবাসী, এবং স্বদেশীয় সংখ্যালঘুদের জন্য প্রার্থনা করি। তারা প্রায়ই অত্যাচারিত এবং মিথ্যাভাবে অভিযুক্ত হয়, বিশেষ করে যদি তারা খ্রীষ্ট বিশ্বাসী হন। (গীত ৮২:৩)

১৪। ঈশ্বর, ফ্রান্সে খ্রীষ্টীয় চ্যাপেলগুলিতে যেন আরও অধিক যাজক সুপ্রাপ্য হয় যারা কয়েদীদের পরিচর্যা করতে পারবে। তোমার বাক্যের দ্বারা যেন তারা সমস্ত পাপ থেকে মুক্ত হয়। (যিশাইয় ৬১:১)

১৫। প্রভু, উত্তর ককেশাসে একজন খ্রীষ্ট বিশ্বাসী হওয়া কঠিন। অসংখ্য বিশ্বাসীরা পরিত্যক্ত হয়েছে এবং তাদের পরিবারগুলির দ্বারা তাদের অধিকার হারিয়েছে। যারা তোমাকে বিশ্বাস করে তাদেরকে অন্যদের খুঁজে পেতে সাহায্য করো যারা তাদের নতুন পরিবার হিসাবে তাদের সেবা করতে পারে। (মার্ক ১৩:১৩)

১৬। প্রভু, আমরা বোনেয়ারের কয়েদীদের জন্য প্রার্থনা করি যাতে তারা জানতে পারে যে তুমি তাদের গভীরভাবে ভালোবাসো, যার মাধ্যমে তারা যেন খ্রীষ্টকে গ্রহণ করতে আগ্রহী হয়। (ইফিষীয় ২:৪-৫)

১৭। সর্বশক্তিমান সদাপ্রভু, রোমানীয়ার লোকদের শক্তিশালী করো যাতে তারা অবিচলভাবে দাঁড়াতে পারে এবং তাদের বন্ধুরা তাদের প্রত্যাখ্যান করলেও তারা যেন তাদের বিশ্বাসের বিষয় সহভাগিতা করতে পারে। (১ পিতর ৩:১৫)

১৮। হে প্রভু, আমরা তোমার প্রশংসা করি যে দক্ষিণ কোরিয়ার খ্রীষ্টান বাসিন্দারা কারাগারের মধ্যেও খ্রীষ্টের বিষয় সহভাগিতা করছেন। তারা কারারুদ্ধ হলেও এবং পরিবার এবং বন্ধুদের থেকে পৃথক হলেও, তারা যেন তোমার অভিজ্ঞতা লাভ করতে পারে, ঈশ্বর, তোমাকে জানার বিষয়টি যেন সর্বদা তাদের সহবর্তী হয়। (গীত ৬৯:৩৩)

১৯। হে পিতা, জাপানের অল্প সংখ্যক খ্রীষ্টীয় জনসংখ্যা যেন নিজেদের বিচ্ছিন্ন এবং নিঃসঙ্গ অনুভব না করে কিন্তু নিরুৎসাহিত না হয়ে নিষ্ঠীকভাবে খ্রীষ্টের সাক্ষী হতে পারে। (২ করি ৪:৮-৯)

২০। স্বর্গীয় পিতা, আমরা স্পেনের এস্ত্রেমেরা কারাগার পরিচর্যার জন্য প্রার্থনা করি। সেখানকার পুরুষ এবং মহিলারা যেন যীশু খ্রীষ্টের পরিত্রাণকারী জ্ঞান উপলব্ধি করতে পারে। (যোহন ১৪:৬)

২১। প্রিয় পিতা, প্যারাগুয়ের বুয়েন পাস্টর কারাগারে ট্রান্স ওয়ার্ল্ড রেডিও আশাময়ী নারী সংস্থার সভাগুলিতে অংশগ্রহণকারীদের প্রত্যেকের কাছে তোমার পরিত্রাণের সুন্দর উপহার প্রকাশ কর। (প্রেরিত ৪:১২)

২২। পিতা, ইথিওপিয়ায় তোমার সুরক্ষা এবং আরোগ্যের জন্য এবং এর অসংখ্য জনগোষ্ঠীর জন্য আমরা প্রার্থনা করি। তারা যেন ঐক্য এবং শান্তির মধ্যে এক সঙ্গে বাস করতে পারে এবং যারা এই লোকদের মধ্যে এবং দেশের মধ্যে বিভাজনের সুযোগের অন্বেষণ করে সেই সমস্ত বাইরের লোকদের প্রভাবে তাদের যেন কোনও অনিষ্ট না হয়।

২৩। হে প্রভু, ফিনিশীয় কারাগারগুলিতে যে সমস্ত আত্মিক কাজ চলছে তার জন্য আমরা প্রার্থনা করি। মহিলা বাসিন্দাদের সঙ্গে কর্মরত কর্মীদের শক্তি দাও এবং প্রস্তুত করো, এবং যারা কারাগারে শান্তিভোগ করছে তাদের অন্তরে যেন তোমার ভালোবাসা পৌঁছাতে পারে তার জন্য আমরা প্রার্থনা করি।

২৪। হে ঈশ্বর, ইন্দোনেশীয় বিশ্বাসীদের সান্ত্বনা দাও যাদের পরিবার তাদের বিশ্বাসের জন্য তাদের উপর অত্যাচার করে। কয়েক জন এমনকী তাদের কাছ থেকে তাদের সন্তানদের পৃথক করে রাখে, কিন্তু কোনও কিছুই তাদেরকে তোমাদের ভালোবাসা থেকে পৃথক করতে পারবে না। (রোমীয় ৮: ৩৮-৩৯)